

2021 nr. 54 27. maí

Lög um íslensk landshöfuðlén

Tóku gildi 11. júní 2021.

Ef í lögum þessum er getið um ráðherra eða ráðuneyti án þess að málfrasvið sé tilgreint sérstaklega eða til þess vísað, er að við **háskóla-, iðnaðar- og nýsköpunarráðherra** eða **háskóla-, iðnaðar- og nýsköpunarráðuneyti** sem fer með lög þessi.

I. kafli. Almenn ákvæði.

■ 1. gr. *Markmið.*

□ Markmið laga þessara er að stuðla að öruggum, hagkvænum og skilvirkum aðgangi að íslenskum landshöfuðlénum og styrkja tengsl þeirra við Ísland með því að kveða á um örugga, gagnsæja og skilvirkja umsýslu þeirra.

■ 2. gr. *Gildissvið.*

□ Lög þessi gilda um rekstur landshöfuðléna sem Íslandi hefur verið úthlutað til notkunar á netinu ásamt nafnþjónustu fyrir höfuðlén og skráningu léna undir þeim.

□ Lög þessi gilda, eftir því sem við á, um höfuðlénið .eu, sbr. 17. gr.

■ 3. gr. *Stjórn lénamála.*

□ Ráðherra hefur yfirumsjón með framkvæmd laga þessara.

□ Póst- og fjarskiptastofnun sinnir eftirliti skv. 13. gr.

■ 4. gr. *Orðskýringar.*

□ Í lögum þessum og reglum settum samkvæmt þeim er merking eftirtalina orða og hugtaka sem hér segir:

1. *Almennt höfuðlén* er höfuðlén sem ekki hefur verið úthlutað til ríkis eða landsvæðis.

2. *Almennt IP-fjarskiptanet* er það sem er í almennu máli kallað netið.

3. *Höfuðlén* er efsti hluti lénakerfisins og vísar til þess hluta sem kemur á eftir síðasta punktinum í heiti léns og er samþykkt af þar til bærum alþjóðlegum aðila. Höfuðlén skiptast í almenn höfuðlén og landshöfuðlén.

4. *IP-fjarskiptanet* er fjarskiptanet sem flytur gagnapakka samkvæmt IP-fjarskiptareglu.

5. *IP-tala* er númer tækis sem tengt er almennu IP-fjarskiptaneti og úthlutað hefur verið af þar til bærum aðila til aðgreiningar frá öðrum tækjum.

6. *Íslenskt landshöfuðlén* er höfuðlén sem hefur beina skírskotun til Íslands, t.d. .is.

7. *Landshöfuðlén* eru þau höfuðlén sem hafa beina skírskotun til tiltekinna ríkja.

8. *Lén* er auðkenni í almennum IP-fjarskiptanetum. IP-tala er að baki hverju léni.

9. *Lénaheitakerfi* er stigskipt dreift gagnasafn sem annast fyrirspurnir um lénsheiti.

10. *Nafnþjónn* er tölva sem svarar fyrirspurnum um lén.

11. *Réttthafaskrá* er miðlæg skrá þar sem fram koma upplýsingar um réttthafa léna, tengiliði þeirra og nafnþjóna.

12. *Réttthafi* er einstaklingur eða lögaðili sem skráður er fyrir léni í réttthafaskrá.

13. *Skráningaraðili* er aðili sem getur á grundvelli samnings við skráningarstofu sér um skráningu léna undir íslensku höfuðléni og breytingar á upplýsingum sem tengjast því fyrir hönd réttthafaskrá.

14. *Skráningarstofa* er lögaðili sem annast og vinnur að skráningu léna undir landshöfuðléni tengdu Íslandi og fer með umsýslu þess á grundvelli almennrar heimildar.

■ 5. gr. *Persónuvernd.*

□ Vinnsla persónuupplýsinga, þ.e. tengiupplýsinga og kennitalna sem hinn skráði lætur í té og skráningarstofa,

skráningaraðilar eða aðrir þeir sem starfa í umboði skráningarstofu afla sjálfir eða berast frá þriðja aðila, er heimil í þeim tilgangi að sinna skyldum samkvæmt lögum þessum að uppfylltum skilyrðum laga um persónuvernd og vinnslu persónuupplýsinga.

II. kafli. Skráningarstofa.

■ 6. gr. *Almenn heimild.*

□ Almenn heimild felur í sér réttindi til að starfa sem skráningarstofa hér á landi samkvæmt ákvæðum laga þessara og reglugerða og reglna sem settar eru samkvæmt þeim.

□ Skilyrði almennrar heimildar til reksturs skráningarstofu hér á landi eru að:

a. almennir viðskiptaskilmálar og gjaldskrár sem um þjónustuna gilda séu aðgengilegar á vef,

b. ákvæði laga þessara séu uppfyllt,

c. lögheimili skráningarstofunnar sé á Íslandi,

d. réttthafaskrá og vinnsla hennar sé staðsett á Íslandi,

e. ársreikningar skráningarstofu séu gerðir í samræmi við lög um bókhald og lög um ársreikninga og sendir Póst- og fjarskiptastofnun og

f. stjórnarmenn og framkvæmdastjóri séu lögráða, fjár síns ráðandi og hafi ekki á síðustu þremur árum í tengslum við atvinnurekstur hlotið dóm fyrir refsiverðan verknað samkvæmt almennum hegningarlögum, lögum um hlutaféloge, lögum um einkahlutaféloge, lögum um bókhald, lögum um ársreikninga, lögum um gjaldprotaskipti o.fl. eða lögum um staðgreiðslu opinberra gjalda.

■ 7. gr. *Tilkynning um starfsemi.*

□ Skráningarstofa skal tilkynna Póst- og fjarskiptastofnun um starfsemi sína innan átta vikna frá því að hún hefur starfsemi.

□ Tilkynning skráningarstofu skal innihalda upplýsingar sem nauðsynlegar eru til skráningar. Um form og efni tilkynningar skal getið í reglugerð sem ráðherra setur.

□ Póst- og fjarskiptastofnun skal staðfesta skráningu aðila á skrá yfir skráningarstofur innan fjögurra vikna frá móttökum tilkynningar samkvæmt ákvæði þessu, enda sé það mat stofnunarinnar að skilyrði 6. gr. séu uppfyllt.

□ Hyggist skráningarstofa leggja niður starfsemi, að hluta eða í heild, skal tilkynna það til Póst- og fjarskiptastofnunar með minnst 12 vikna fyrirvara.

■ 8. gr. *Hlutverk skráningarstofu.*

□ Skráningarstofa fer með daglega umsjón landshöfuðlénss eða léna og skal gegna skyldum sínum á öruggan og skilvirkan hátt í þágu almannahagsmunu.

□ Skráningarstofa skal m.a.:

a. halda réttthafaskrá og geyma eða taka saman aðrar upplýsingar sem eru nauðsynlegar vegna nafnþjónustu,

b. reka og halda skrá um nauðsynlega nafnþjóna fyrir landshöfuðlén og tryggja öryggi þeirra og högun í samræmi við gæðastaðla þar til bærs alþjóðlegs aðila,

c. stuðla að því að nauðsynleg nafnþjónusta fyrir lénnréttthafa sé ætíð virk og sett upp samkvæmt viðurkenndum stöðlum og reglum þar til bærs alþjóðlegs aðila,

d. stuðla að skilvirkri svörum við fyrirspurnum um undirlén höfuðlén,

e. viðhafa skilvirkra vernd gagna,

f. stuðla að skilvirkum verkferlum sem uppfylla viðurkennda gæðastaðla þar til bærs alþjóðlegs aðila,

g. setja reglur um léna skráningar skv. 9. gr. og framfylgja þeim,

h. aðstoða stjórnvöldi í samræmi við 11. gr. og

i. starfrækja úrskurðarnefnd, eins til þriggja manna eftir eðli máls, sem sker úr deilum um lén á grundvelli reglna skráningarstofunnar.

□ Í rétthafaskrá skv. a-lið 2. mgr. er heimilt að skrá nauðsynlegar upplýsingar í þeim tilgangi að:

- a. sannreyna réttmæti skráningar,
- b. innheimta þóknun fyrir þjónustu eða
- c. senda innskráningarkóða í símanúmer.

III. kaffli. Skráning léna.

■ 9. gr. Skráning léna.

□ Skráning léna skal vera stafræn í þar til gerðu skráningar kerfi á vegum skráningarstofu og í samræmi við reglur hennar, sbr. g-lið 2. mgr. 8. gr.

□ Skráningarstofa setur reglur um skráningu léna. Ráðherra getur í reglugerð sett viðmið sem fylgt skal við setningu reglnanna, svo sem um gagnsæi, jafnraðissjónarmið, réttindi rétthafa, réttindi tengiliða, hagsmuni notenda o.fl.

□ Skráningarstofa skal stuðla að því að rétthafar léna séu upplýstir um skilyrði skráningar léna samkvæmt lögum þessum. Séu skilyrði um skráningu léna ekki uppfyllt skal skráningarstofa beina ábendingu um úrbætur til rétthafa. Sé ábendingum um úrbætur ekki sinnt skal skráningarstofa fjarlægja vísanir til lénsins úr nafnaþjónum landshöfuðlénsins þar til bætt hefur verið úr. Verði aðili uppvis að því að misnota skráningu léna er skráningarstofu heimilt að loka aðgangi hans að skráningarkerfi.

□ Skráningarstofu er heimilt að innheimta gjald fyrir þjónustu.

■ 10. gr. Lokun, læsing og afskráning léna.

□ Skráningarstofu er heimilt að afskrá lén undir íslensku landshöfuðléni eða loka léni ef eitt af eftirfarandi á við:

- a. skráningarupplýsingar lénsins eru augljóslega rangar og/eða ófullnægjandi,
- b. tæknileg uppsetning er ófullnægjandi,
- c. rétthafi borgar ekki árgjaldið eða
- d. vistunaraðili vill taka lénið niður.

□ Skráningarstofa skal í þessum tilvikum leitast við að senda rétthafa léns áskorun um úrbætur á skráningarupplýsingum áður en lén er afskráð.

□ Skráningarstofu er heimilt að læsa léni undir íslensku landshöfuðléni ef beiðni þar um er studd gögnum um meðferð máls fyrir dómstórum, hjá stjórnvöldum, úrskurðarnefnd skráningarstofu eða öðrum aðila sem á hverjum tíma telst bær til að úrskurða í viðkomandi máli. Sama gildir um fyrirhugaða meðferð máls ef lagðar eru fram óbirtar stefnur, kærur o.s.frv. Ráðherra getur með reglugerð kveðið nánar á um læsingu léna, svo sem frá hverjum beiðni um læsingu getur komið, hvaða gögn þarf að leggja fram o.fl.

□ Skráningarstofu er skylt að afskrá lén undir íslensku landshöfuðléni eða loka léni sé það ólögmætt samkvæmt dómi eða endanlegum úrskurði.

■ 11. gr. Lokun og halldagning skráðra léna.

□ Lögregla getur krafist þess, að undangengnum dómsúrskurði, að skráningarstofa loki léni sem skráð er undir íslensku landshöfuðléni í eftirfarandi tilvikum:

- a. ef rétthafi léns, umboðsmáður hans eða þjónustuaðili hefur nái tengsl við skipulagða brotarfsemi eða nýtir lénið í þágu þeirrar starfsemi eins og sú starfsemi er skilgreind í almennum hegningarlögum eða

 b. ef lén er notað til að miðla ólöglegu efni eða efni sem hvetur til refsiverðrar háttsemi sem varðar við almenn hegn-

ingarlög og meint brot getur varðað fangelsisrefsingu allt að sex árum eða meira.

□ Lögregla getur, að undangengnum dómsúrskurði, halldagt lén sem skráð er undir íslensku landshöfuðléni, tekið yfir forræði þess og rekið það tímabundið í tengslum við rannsókn opinbers máls og öflun sönnunargagna.

□ Kröfum í einkamáli er varða greiðslu skaðabóta vegna at-hafna starfsmanna skráningarstofu samkvæmt ákvæði þessu verður ekki beint að starfsmönnum skráningarstofu eða skráningarstofunni sjálfrí. Íslenska ríkið ber ábyrgð á athöfnum starfsmanna skráningarstofa vegna aðgerða á grundvelli þessa ákvæðis eftir almennum reglum hvort sem mál er höfðað fyrir innlendum eða erlendum dómstóli. Verði mál höfðað gegn starfsmanni skráningarstofu, þrátt fyrir 1. másl., greiðir íslenska ríkið allan kostnað hans við rekstur málsins og aðrar áfallnar kröfur af því tilefni.

■ 12. gr. Réttindi og skyldur rétthafa.

□ Réthafi léns sem skráð er undir íslensku landshöfuðléni hefur einkaafnotarétt af hinu skráða léni meðan það uppfyllir reglur skráningarstofu og það hefur ekki verið afskráð.

□ Réthafi ber ábyrgð á:

- a. að notkun léns sé í samræmi við gildandi lög og reglur,
- b. greiðslu gjalda vegna skráningar og endurnýjunar léns,
- c. að skráning léns og tengiliða þess sé rétt og
- d. að vistun léns sé tæknilega viðunandi.

□ Réthafi ber ábyrgð á að notkun á léni samrýmist réttmætum og lögvernduðum hagsmunum hans og skerði ekki lögvarin réttindi annarra, svo sem hugverkaréttindi.

IV. kaffli. Ýmis ákvæði.

■ 13. gr. Eftirlit.

□ Póst- og fjarskiptastofnun hefur eftirlit með því að starfsemi skráningarstofu uppfylli skilyrði laga þessara.

□ Stofnunin skal a.m.k. á tveggja ára fresti óska eftir upplýsingum frá skráðum skráningarstofum til að kanna hvort þær uppfylli skilyrði 6. og 8. gr. Um skil á upplýsingum gildir frestur sem tilgreindur er í 7. gr.

■ 14. gr. Dagsektir.

□ Póst- og fjarskiptastofnun getur gert skráningarstofu að greiða dagsektir ef hún sinnir ekki skyldum skv. II. kafla. Áður en dagsektir eru lagðar á skal gefa skráningarstofu færí á að bæta úr innan hæfilegs frests. Slíkar dagsektir mega nema allt að 50.000 kr. á sólarhring. Skal upphæð þeirra fara eftir eðli brots.

□ Ef ákvörðun um dagsektir er skotið til dómstóla falla dagsektir ekki á fyrr en dómur er endanlegur. Dagsektir renna í ríkissjóð og má án undangengins dóms gera aðför til fullnustu þeirra samkvæmt lögum um aðför.

■ 15. gr. Rekstur landshöfuðléns á stríðstínum eða vegna yfirvofandi hryðjuverkaárasar.

□ Ef Ísland á í stríði, stríðshætta er fyrir hendi eða slíkar aðstæður ríkja utan Íslands að hætta sé að Ísland lenti í stríði eða verði fyrir hryðjuverkaáras getur ríkisstjórn Íslands sett rekstri landshöfuðléns þær viðbótarreglur sem nauðsynlegar þykja vegna varna Íslands, varna Atlantshafsbandalagsins og almanns öryggis ríkisins.

■ 16. gr. Fagráð.

□ Fjarskiptaráð sem starfar samkvæmt lögum um fjarskipti skal jafnframt gegna hlutverki fagráðs um lénamál og vera ráðherra til ráðgjafar um slík mál.

□ Skráningarstofa skal tilnefna áheyrnarfulltrúa með til-lögurétt til að sitja fundi fjarskiptaráðs þegar lénamálefni eru á dagskrá.

■ 17. gr. Höfuðlénis .eu.

- Ráðherra er í reglugerð¹⁾ heimilt að setja reglur um notkun höfuðlénsins .eu hér á landi í því skyni að tryggja notendum hérlendis aðgang að höfuðléninu .eu.

¹⁾ Rg. 1209/2021.

■ 18. gr. Reglugerð.

- Ráðherra er heimilt í reglugerð að kveða nánar á um framkvæmd laga þessara, svo sem um:

- a. form og efni skráningar skv. 2. mgr. 7. gr.,
- b. viðmið reglna sem skráningarstofur setja skv. 2. mgr.

9. gr. og

- c. læsingu léna skv. 3. mgr. 10. gr.

■ 19. gr. Gildistaka.

- Lög þessi taka þegar gildi.

Ákvæði til bráðabirgða.**■ I.**

- Ríkissjóður á forkaupsrétt að öllum hlutum í féluginu Internet á Íslandi hf., ISNIC, kt. 660595-2449, og hlutabréfum þeirra lögaðila sem eiga bréf í Internet á Íslandi hf., ISNIC.

- Eigandi Internet á Íslandi hf., ISNIC, skal tilkynna til ríkisskattstjóra og Póst- og fjarskiptastofnunar um beint og óbeint eignarhald í Internet á Íslandi hf., ISNIC, kt. 660595-2449, í samræmi við lög um skráningu raunverulegra eigenda, nr. 82/2019.

- Berist kauptilboð í félagið eða hlutabréf þeirra aðila sem eiga bréf í félagini skal tilkynna það til Póst- og fjarskiptastofnunar án tafar, eigi síðar en innan 48 klukkustunda frá því að kauptilboðið kom til vitundar seljanda.

- Þegar kominn er á samningur skal Póst- og fjarskiptastofnun bera samninginn undir ráðherra sem fer með málnefni fjarskipta, fyrir hönd forkaupsréttarhafa, til samþykktar.

Frestur ríkissjóðs til að svara forkaupsréttartilboði skal vera 60 dagar frá því að tilboðið barst ráðherra.

- Kaup á hlutum, sem forkaupsréttur gildir um, koma ekki til framkvæmda á meðan frestur forkaupsréttarhafa er að líða, matsgerð samkvæmt ákvæði til bráðabirgða II er enn ólokið eða rekið er dómsmál um forkaupsréttarverð.

■ II.

- Ef kaupverð hluta, sem forkaupsréttur samkvæmt ákvæði til bráðabirgða I gildir um, er bersýnilega ósanngjارت getur forkaupsréttarhafi krafist þess að það verði metið af dómkvöddum matsmönnum eða yfirmatsmönnum og gildir það þá sem söluverð. Forkaupsréttarhafi skal taka ákvörðun um að krefjast mats innan 15 daga frá því að forkaupsréttartilboð barst honum og fellur þá 60 daga frestur 4. mgr. ákvæðis til bráðabirgða I úr gildi.

- Forkaupsréttarhafi skal innan viku frá því að matsgerð skv. 1. mgr. berst honum ákveða hvort hann neytir forkaupsréttar samkvæmt matsgerðinni. Matsgerð skal lokið eins fljótt og auðið er.

- Matsmenn skulu dómkvaddir fyrir Héraðsdómi Reykjavíkur. Matsmenn ákveða matskostnað og hvernig hann greiðist.

- Ágreiningur vegna forkaupsréttar skal rekinn fyrir Héraðsdómi Reykjavíkur. Komi upp ágreiningur um forkaupsréttarverð að loknu mati er unnt að bera málið undir dómstóla og skal það sæta flýtimeðferð í samræmi við ákvæði XIX. kafla laga um meðferð einkamála.

■ III.

- Skráningarstofa sem starfar þegar lög þessi taka gildi hefur átta vikna frest frá gildistöku reglugerðar sem ráðherra settur með heimild í 7. gr. til að tilkynna starfsemi sína til Póst- og fjarskiptastofnunar.